

persuasione futuri in vitam reditus, apud Appianum legimus. Severa his matrimonia, singulis uxoribus contenti sunt: exceptis admodum paucis, qui non libidine, sed ob Nobilitatem plurimis nuptiis ambiuntur. Paucissima adulteria: quorum poena praesens haec: accisis crinibus nudatam coram propinquis expellit domo maritus, ac per omnem vicum verberare agit. Sic Tacitus. Sua quemque mater uberibus alit, neque ancillis & nutricibus delegantur. *Hospites violare* (inquit Cæsar) *fas non putant, qui quaque de causa ab eos venerunt, ad injuria prohibent sanctosque habent: iis omnium domus patent victusque communicatur.* Nemo apud Germanos, inquit Tacitus, *vitia ridet, nec corrumpere & corrumpi, seculum vocatur.* Plusque ibi boni mores valent, quam alibi bonae leges. Maior pars victus eorum, Cæsare memorante, in lacte & caseo & carne consistit. Non alia pulte quam ex avena vivere, Plinius testis est: in egestate crudis contentos, Appianus. Crudis etiam carnibus vesci, addit Mela. In prandio, auctore Athenæo, adferunt carnem membratim assam, & superbibunt Lac Vinumque merum. Cibi simplices, recens Fera, agrestia Poma, aut Lac concretum. Potus, humor ex hordeo aut frumento est, Tacito. Neque ulla gens in hospitibus aut convitiis effusius indulget. Quemcunque mortalium arcere tecto, nefas habetur. Sed, ut nemo sine vitio nascitur, diemque noctemque continuare potando, nulli probum. Quod ad vestitum, *Tegumen*, inquit Tacitus, *omnibus Sagum, fibula, aut si desit, spina confertum,* qua refixa refibulatave diffluebat de humeris sagum. Idem Germanos non fluitante veste, sed stricta artusque singulos prope exprimentes & quasi corpori assuta, dicit fuisse usos, qualem & Francis dat Sidonius oculatus testis. Idem Fœminis habitus qui & Viris. Tunicae erant illis striatae, rusticis etiamnum apud nos alibi usitare: Ferarumque pelles in honore & usu fuere. Quondam etiam Germani corpore quidem robustissimi, animo vero rudes & ad artes inepti fuere. Nunc vero omnis generis opificia studiose & cum laude exercent: & (ut vulgares omittam) spectata æris fundendi cudendique peritiam, spectata metallorum tractandorum scientiam & similes Artes. Hæc primum machinas tormenta que aenea invenit, prima Typographiam nostro Orbi dedit: prima horologiorum confectionem demonstravit: denique ita Germania omnium Artium asylum facta est, ut nullam elegantiore scientiam admiserit aut artem, quam non exornarit, auxerit, poliverit, multas vero ipsa invenerit. Larga etiam manu confinalibus suis aliisque remotioribus populis subministrat, Vina præstantissima, Aurum, Argentum, Cuprum, stannum, Plumbum, Argentum vivum, Vitriolum, Alumen, Colores pictorum varios, Lamellas, Frumentum, cunctaque fabrilia ex Ferro & Cupro aliasque Merces.

Vestitus.

Vestitus.

Opificia.

Mercimonia.